



AXUDAS INTERNACIONALIZACIÓN 2015

IG158 - PROMOCIÓN CONJUNTA EN MERCADOS
EXTERIORES

Plan Primex 2015

v.01

www.clustergranito.com

IG158

PROMOCIÓN CONXUNTA EN MERCADOS EXTERIORES

PLAN PRIMEX (I/VII)

Prazo de presentación de solicitudes: Ata o 11 de setembro de 2015.

Prazo de execución de proxectos: Ata o 31 de marzo de 2017.

Beneficiarios:

- a) Sociedades mercantís ou outras sociedades con obxecto empresarial que cumpran a definición de peme.
- b) Que teñan o seu domicilio social na Comunidade Autónoma de Galicia.
- c) Que teñan un proxecto de internacionalización conxunto -a acreditar mediante acordo notarial de colaboración ou mediante a documentación relativa á existencia dun consorcio- con polo menos outra empresa peme ou non peme, con domicilio social en Galicia, que cumpra o requisito indicado no artigo 4.1.5, e non vinculadas previamente entre si.
- d) Que teñan na data da solicitude e durante todo o prazo de execución do proxecto algún empregado por conta allea en Galicia.
- e) Que estean dadas de alta en programas avanzados de Igape de apoio á internacionalización con informe positivo. A solicitude de alta en programas avanzados de Igape de apoio á internacionalización, deberá facerse antes do remate do prazo de presentación de solicitudes de axuda, a través do procedemento do Igape IG192. Este requisito non é necesario para empresas con diagnóstico positivo de potencial de internacionalización feito polo Igape no exercicio 2015, ou en exercicios anteriores.
- f) Non poderán ter a condición de beneficiarios as entidades en que conorra algunha das circunstancias previstas no artigo 10.2º e 3º da Lei 9/2007, do 13 de xuño, de subvencións de Galicia (DOG nº 121, do 25 de xuño)

IG158

PROMOCIÓN
CONJUNTA
EN
MERCADOS
EXTERIORES

PLAN
PRIMEX
(II/VII)

g) Non poderán ter a condición de beneficiarios as entidades que entren dentro da categoría de empresas en crise.

h) As empresas que xa tiveran aboada subvención por un proxecto Primex en base á convocatoria do ano 2012 ou anterior -que non acrediten estar en fase de consolidación ou crecemento- non poderán ser beneficiarios desta convocatoria en proxectos que teñan por obxectivo o mesmo país xa subvencionado e tampouco computarán no mínimo de socios que se esixe nestas bases (artigo 4.1.3) para admitir un proxecto que teña por obxecto ese mesmo país.

Conceptos subvencionables:

a) Gastos de constitución, servizos profesionais externos, licitacións, certificacións e homologacións e bases de datos:

-Gastos en orixe derivados do acordo de colaboración: legais, notariais e rexistrais de escrituras e acordos de colaboración.

-Gastos de constitución de filial en destino: escrituras, inscricións, permisos administrativos, licenzas e outros gastos legais e administrativos.

-Gastos de servizos profesionais externos en destino: gastos que estean directamente relacionados co proxecto (xurídicos, administrativos, tradución, contables -incluso auditoría- e fiscais).

-Gastos previos á participación en licitacións en destino: adquisición de pregos, custo de traducións, asesorías externas, gastos de rexistro da propiedade industrial no país, gastos derivados da homologación ante organismos oficiais, certificacións e precualificacións.

-Gastos de defensa da propiedade industrial, homologación, certificación e rexistro de produtos e servizos e obtención de cualificacións en destino.

-Cotas de bases de datos de intelixencia competitiva internacional sectorial.

IG158

PROMOCIÓN CONJUNTA EN MERCADOS EXTERIORES

PLAN PRIMEX (III/VII)

-Gastos de constitución de filial en destino: escrituras, inscripciones, permisos administrativos, licencias e outros gastos legais e administrativos.

-Gastos de servizos profesionais externos en destino: gastos que estean directamente relacionados co proxecto (xurídicos, administrativos, tradución, contables -incluso auditoría- e fiscais).

-Gastos previos á participación en licitacións en destino: adquisición de pregos, custo de traducións, asesorías externas, gastos de rexistro da propiedade industrial no país, gastos derivados da homologación ante organismos oficiais, certificacións e precualificacións.

-Gastos de defensa da propiedade industrial, homologación, certificación e rexistro de produtos e servizos e obtención de cualificacións en destino.

-Cotas de bases de datos de intelixencia competitiva internacional sectorial.

-Gastos de tradución xurada dos documentos necesarios para a correcta xustificación da subvención indicados no artigo 14 destas bases.

O importe subvencionable máximo por estes conceptos será de 10.000,00 € por solicitante e 20.000,00 € por proxecto de internacionalización conxunto (circunstancia a ter en conta -ao cubrir o formulario de solicitude da axuda- por todos os integrantes do proxecto que solicitan axuda).

b) Gastos de infraestrutura en destino:

-Aluguer de oficinas, centro de negocios, locais, salas de exhibición ou showrooms en destino cando a actividade do proxecto subvencionable o xustifique.

-Aluguer de equipamento cando a actividade promocional o xustifique. Consideraranse xustificadas estes gastos cando se acredite a contratación de persoal en destino para os efectos de atención ao proxecto.

IG158

PROMOCIÓN CONJUNTA EN MERCADOS EXTERIORES

PLAN PRIMEX (IV/VII)

c) Gastos de persoal contratado expresamente para tarefas relacionadas co proxecto en destino ou en orixe a partir do 1 de xullo de 2015, cos seguintes límites:

-En orixe: subvencionarase a contratación dunha soa persoa, mediante contrato laboral fixo ou eventual.

-En destino: subvencionarase a contratación dun máximo de dúas persoas, mediante contrato laboral fixo ou eventual ou mediante contrato de prestación de servizos, pero neste último caso debe ser contratado con dedicación en exclusiva ao proxecto e traballar en destino (acreditarse co establecido no contrato entre as partes).

No caso de contrato laboral só se subvencionarán os salarios netos aboados ao traballador. En xeral, exclúese da contratación subvencionada calquera socio, propietario, directivo, administrador ou empregado das empresas participantes no proxecto de internacionalización conxunto.

O importe subvencionable máximo por persoa contratada e por proxecto será de 20.000,00 €/ano en orixe e de 30.000,00 €/ano en destino para unha dedicación do 100%. No caso de dedicación inferior aplicarase a regra da prorata.

No caso de contratación dun mozo/a profesional (con ano de nacemento igual ou posterior a 1980) que teña sido bolseiro/a de promoción no exterior do Igape ou no caso de que sexa un integrante da bolsa de traballo de xestores de internacionalización do Igape, subvencionarase o 80% do seu salario neto.

d) Gastos de promoción e/ou publicidade:

-Feiras e outros eventos expositivos, presentacións de empresa e/ou produto. No caso de eventos organizados por terceiros serán subvencionables os gastos facturados polo organizador do evento en concepto de aluguer de solo, stand, inserción no catálogo da feira, participación e seguro obrigatorio e demais servizos inherentes á participación da empresa na feira ou evento expositivo. No caso de eventos organizados polos solicitantes só son subvencionables os gastos de aluguer de espazo.

IG158

PROMOCIÓN CONXUNTA EN MERCADOS EXTERIORES

PLAN PRIMEX (V/VII)

-Gastos de publicidade: custo da compra de espazos publicitarios en medios do país obxecto da acción promocional (só son subvencionables os custos de inserción nos medios finais e non outros gastos de asistencia técnica relacionada co plan de publicidade).

- Deseño, creación e aloxamento de páxina web. Aplicación soporte comercio electrónico.

Quedan expresamente excluídas do ámbito de aplicación destas bases os seguintes conceptos:

-Os impostos indirectos cando sexan susceptibles de recuperación ou compensación e os impostos persoais sobre renda.

-Os gastos do persoal habitual contratado pola empresa e calquera outro derivado da actividade habitual e corrente da empresa solicitante.

-Custo dos importadores e/ou axentes a comisión sobre vendas.

-Os custos de mailings, convites e regalos promocionais.

-Aqueles gastos que resulten de carácter xeneral ou non estean expresamente referidos á actuación concreta que se propón para a subvención.

-Aqueles outros que non estean directamente vinculados coa realización da actuación subvencionable.

Non serán subvencionables gastos correspondentes a actuacións que o solicitante ou o resto de empresas participantes no proxecto poida realizar cos seus propios medios materiais e persoais, o que se determinará polo tipo de actividade da empresa IAE ou CNAE-, e/ou porque o solicitante, pola súa vez, figure como provedor para outra empresa solicitante destas axudas nesta e anteriores convocatorias- para o mesmo tipo de actuacións e gastos.

IG158

PROMOCIÓN CONXUNTA EN MERCADOS EXTERIORES

PLAN PRIMEX (VI/VII)

Os gastos e investimentos subvencionables serán os realizados dentro do prazo de execución do proxecto establecido na resolución de concesión para os efectos de cumprir todas as condicións nela establecidas. O prazo de execución iniciárase o 1 de xullo de 2015 (polo que a solicitude de axuda poderá incluír accións que se leven a cabo a partir do 1 de xullo de 2015) e rematará na data establecida na resolución de concesión da axuda, sen que nunca poida exceder do 31 de marzo do 2017.

Contía e límites de axuda:

-75% do gasto subvencionable, agás no caso de contratación dun mozo/a profesional (con ano de nacemento igual ou posterior a 1980) que teñan sido bolseiro/a de promoción no exterior do Igape ou no caso de que sexa un integrante da bolsa de traballo de xestores de internacionalización do Igape, subvencionarse o 80% do salario neto. É obriga do solicitante comprobar que o xestor contratado realmente cumpre os requisitos mínimos esixidos polo Igape e alegados polo xestor para formar parte da bolsa de traballo de xestores de internacionalización.

O límite máximo de axuda por solicitante será:

- Para os que se atopen na etapa de inicio: 10.000,00 €
- Para os que se atopen na etapa de consolidación: 15.000,00 €
- Para os que se atopen na etapa de crecemento en orixe: 25.000,00 €

O importe subvencionable máximo por proxecto, independentemente do número de empresas que participen no mesmo, non superará os 100.000,00 €

IG158

PROMOCIÓN CONXUNTA EN MERCADOS EXTERIORES

PLAN PRIMEX (VII/VII)

Incompatibilidades:

Estas axudas son incompatibles -para os mesmos conceptos subvencionables e período de execución- con outros programas de apoio financiados pola Xunta de Galicia. No caso de proxectos Primex da convocatoria 2013 -con axuda aboada ou pendente de aboar- á data de publicación destas bases no DOG e, con prazo de execución do proxecto posterior ao 30 de xuño de 2015, o proxecto de continuación para o que se solicite axuda a través desta convocatoria deberá iniciarse con data posterior á finalización do prazo de execución do proxecto inicial subvencionado.

A obtención doutras axudas ou subvencións deberá comunicarse ao Instituto Galego de Promoción Económica tan axiña como se coñeza e, en todo caso, no momento en que se presente documentación xustificativa do proxecto realizado. En todo caso, antes de conceder a axuda, solicitarase da empresa unha declaración escrita ou en soporte electrónico, sobre calquera axuda de minimis recibida durante os dous exercicios fiscais anteriores e durante o exercicio fiscal en curso.

Ao estar este réxime de axudas suxeito ao réxime de minimis, deberase garantir que, no caso de axudas a empresas, de recibir o beneficiario outras axudas baixo o réxime de minimis non se supera o límite de 200.000,00 € nun período de tres exercicios fiscais; para as empresas do sector transporte de mercadorías por estrada este límite redúcese a 100.000,00 €. Para as empresas do sector da pesca as axudas de minimis totais que se concedan a unha mesma empresa non poderán superar 30.000,00 € durante calquera período de tres exercicios fiscais. Para as empresas do sector agrícola o límite de minimis redúcese a 15.000 euros durante calquera período de tres exercicios.

v.01

ASOCIACIÓN CLUSTER DEL GRANITO. Inscrita en la Dirección General de Relaciones Laborales de la CONSELLERÍA DE JUSTICIA, INTERIOR Y RELACIONES LABORALES con el número de Registro 72-1999-1980 CIF: G 36.644.961



Centro Tecnológico del Granito • C/ Ribeira, s/n • Torneiros • 36410. O Porriño (Pontevedra)
Tel.: 902 002 313 • Fax: 986 338 654 • acg@clustergranito.com • www.clustergranito.com

